



ΓΟΓΑΣΤΕΟ ΠΟΣ. ΕΙΣΥ

АКАФИСТ РОЖДЕСТВУ ПРЕСВЯТОЙ БОГОРОДИЦЫ

КОНДАК 1

Избранней от человеческого рода и
рождающейся от неплодове, Пречистой
Деве Марии составим похвалу, яко
рождеством Ея начало спасения
нашего бысть и пришествие в мир
Избавителя возвестися. Темже
радостно Ей возопийм:

Радуйся, Пречистая Деве, Материю
Спасителя мира от века предъиз-
бранная.

ЇКОС 1

А́нгел небесный предстояй пред Богом, послан бысть к праведным Иоакиму и А́нне возвестити им радость велию, яко по неплодствии своем имут родити Дщерь Преплагословенную, от Неяже всему миру радость произыдет. Темже и мы, радости сея причастницы, похвальная песни Деве воспоем:

Ра́дуйся, в Троичном Совете Материю Сына Божия от века предъизбранная;

Ра́дуйся, древними пророками с патриархи многообразне в образех и сенех прообразованная.

Ра́дуйся, вящшие пяти тысяч лет от создания мира верными Божиими ра-

бы́, яко́ Ма́терь Изба́вителя́ ожи-
данная́;

Ра́дуйся, ле́ствицею́ Иа́ковом
ви́денною, Бо́жие к челове́ком сниз-
ше́ствие прообра́зовавшаго́ преду-
казанная́.

Ра́дуйся, неопали́мою купи́ною в пу-
сты́ни Сина́йстей Моисе́ом ви́денною,
предвозвеще́нная;

Ра́дуйся, Чермны́м мо́рем Изра́илю
су́х пу́ть да́вшему, фарао́на же пото-
пившему, обра́зне преднапи́санная́.

Ра́дуйся, написати́ся на́м в кни́зе Жи-
вота́ Ве́чнаго пособо́бствующая́;

Ра́дуйся, Ца́рствия Небе́снаго невоз-
бра́нный вход на́м ходата́йствующая́.

Ра́дуйся, Пречи́стая Де́во, Ма́терию

Спасителя́ ми́ра от ве́ка предъиз-
бранная́.

КОНДА́К 2

Видяще́ праведнии́ Иоакимъ и Анна́
явльшагося́ имъ Ангела́, возвеща́ющая
рождество́ Твое́, Пресвятая́ Дево́, воз-
благодари́ша Бо́га, призре́вшаго
отъя́ти поноше́ние безча́дия ихъ, и
всемъ се́рдцемъ те́пле возопи́ша:

Аллилу́иа. Аллилу́иа. Аллилу́иа.

И́КОС 2

Разумъ́ Божественнаго́ строительства́ и
на зе́млю снизше́ствия Своего́ Всеб-
лагий́ Госпо́дь исполнити́ начина́я,
посла́ниемъ Ангела́ Своего́ возвести́ти
Иоакиму́ и Анне́ о рождестве́ Твое́м,

Пресвята́я Де́во. Те́мже во́пиём Ти́ хвале́бно:

Ра́дуйся, ра́зума Боже́ственного про-
явление;

Ра́дуйся, дивна́го смотре́ния Его́ ис-
полне́ние.

Ра́дуйся, дре́вле преду́ставленная по-
служити воплоще́нию Сы́на Бо́жия;

Ра́дуйся, от все́х родов в жилище все́х
Царя́ предъизбра́нная.

Ра́дуйся, е́ще в ра́й изрече́нием иску-
сителю змию о положении вражды́
между́ те́м и Жено́ю и Се́менем Ея́
предуказанная;

Ра́дуйся, по исполне́нии вре́мен от
непло́дове изволе́нием Бо́жиим сла́вне
произше́дшая.

Ра́дуйся, ро́д челове́ческий рожде-
ством Своим возвеселившая;

Ра́дуйся, се́тование ча́вших утѣхи
Израи́левы преложившая.

Ра́дуйся, Пречи́стая Де́во, Ма́терию
Спасителя́ ми́ра от ве́ка предъиз-
бра́нная.

КОНДА́К 3

Си́ла Вы́шняго разреши́ непло́дство
заматоре́вша во дне́х свои́х
пра́ведныя А́нны: зачатъ бо Тя́, Пре-
чи́стая, и, ча́я Твоего́ рожде́ния,
ра́достно пояше Бо́гу Израи́леву хва-
ле́бную пѣснь:

Аллилу́иа. Аллилу́иа. Аллилу́иа.

ЇКОС 3

Имущая безмужно родити Спасителя душ и телес наших, Ты и Сама, яко чудо пред велиим и непостижимым чудесем, от неплодных родителей славно родися, Пресвятая Дево. Темже воспеваем Ти сице:

Радуйся, от корене Иессеова и Давидова произшедшая;

Радуйся, от неплодных ложесн праведныя Анны дивно прозябшая.

Радуйся, пророчеством Исаии прежде лет древних Дева-Матерь проявленная;

Радуйся, по обетованию Ангела рожденная.

Радуйся, скиниею свидения и Ковчегом завета прообразованная;

Ра́дуйся, процвѣтшим жезло́м
Ааро́новым образне прознамено-
ванная.

Ра́дуйся, прѣжде рождества́ Твоего́ в
Ма́терь Бо́гу-Сло́ву освяще́нная и
предуготованная;

Ра́дуйся, рождѣнием Твои́м ми́р осве-
тившая.

Ра́дуйся, Пречи́стая Де́во, Ма́терию
Спасителя́ ми́ра от ве́ка предъиз-
бранная.

КОНДА́К 4

Бу́ри поноше́ний челове́ческих о неп-
лодствии́ своемъ изба́вьшеся в за-
ча́тии Твоемъ, Пресвята́я Де́во,
праведнии́ родителие Твои́
радовахуся, и в честь рождества́ Твое-

го́ учрежде́ние ве́лие творя́ху
сродни́ком и зна́емым, и ти́и
срадо́вахуся́ им, вопи́юща Бо́гу, со-
твори́шему ми́лость Свою́, хвале́бную
пе́снь:

Аллилу́иа. Аллилу́иа. Аллилу́иа.

И́КОС 4

Слы́шавше окрестны́е лю́дие, я́ко дщи́
Иоакима́ и А́нны нарече́на бы́сть Ма-
риа́, сие́сть Госпожа́, проразумева́ху,
Пречи́стая, вели́ку и сла́вну Тя́ бы́ти
не то́кмо в лю́дех, но и у́ Бо́га. Мы́ же
сбы́ти́е сего́ до́бре ве́дуще, велича́ем
Тя́ си́це:

Ра́дуйся, Пресвята́я Де́во, не от чело-
ве́ка, но от А́нгела и́мя Себе́ е́ще
пре́жде зачатия́ прия́вшая;

Ра́дуйся, по и́мени сему́ Госпоже́ю
всея́ тва́ри бы́ти сподо́бльшаяся.

Ра́дуйся, я́ко пра́веднии роди́телие
Твои́ воздаю́ще Бо́гу благодарéние за
рождéние Твое́, вели́кия да́ры в
жéртву Тому́ принесо́ша;

Ра́дуйся, я́ко сродни́ком и зна́емым,
ку́пно же и убо́гим вéчерю любв́е со-
твори́ша.

Ра́дуйся, я́ко от священников, в до́м
родителей Твои́х на торжество́ по-
званных, благословéна еси́;

Ра́дуйся, я́ко от всех на весéлие о́но
собра́вшихся, похвалéна и прос-
лавлéна была́ еси́.

Ра́дуйся, вы́ше вся́кия чéсти и похва-
лы́ явльшаяся;

Ра́дуйся, Ма́терию Бо́га-Сло́ва бы́ти сподо́бльшаяся.

Ра́дуйся, Пречи́стая Де́во, Ма́терию Спаси́теля ми́ра от ве́ка предъизбра́нная.

КОНДА́К 5

Боготе́чная звезда́, возвеща́ющая прише́ствие Со́лнца Пра́вды, Христа́ Бо́га на́шего, в рождестве́ Твоём яви́ся, о, Пресвята́я Де́во; те́мже лю́дие Бо́жии, прише́ствия Изба́вителя ве́рою чая́вшии, ви́дяще Тя́ чу́дно от непло́дове ро́ждшуюся, таинственно возвесели́шася и возопи́ша:

Аллилу́иа. Аллилу́иа. Аллилу́иа.

І́КОС 5

Видевши праведнии Иоаким и Анна
рождшуюся от них Богоотроковицу
Марию, о Нейже Ангел Божий некая
чудная и дивная тем провозвести, яко
кивоту Божию, Той послужиша, вос-
питавающе и храняще Ю, якоже
зеницу ока. Темже и мы похваляюще
Богоотцев, сподобившихся ро-
дителями быти таковыя Дщери, Деве
Марии радостно воспеваем:

Радуйся, Пречистая Дево, яко по
рождестве Твоем родители Твои
вельми возликоваху;

Радуйся, яко в явлении Твоем в мир
Ангели и человецы согласно воз-
радовахуся.

Радуйся, яко о Тебѣ вси пророцы
многообразне предглаголаху;

Радуйся, яко един от них Вратами за-
творенными, ин же Горою прео-
сененною Тя именовашу.

Радуйся, яко вся преславная древле
тайнственно о Тебѣ предглаголано
быша;

Радуйся, яко Градом и Селением
Божиим псаломская уста Тя наимено-
ваша.

Радуйся, седмосвѣщным све-
тильником, яко седмию дарами Свя-
таго Духа исполнена быти имевшая,
предуказанная;

Радуйся, позлащенною трапезою с
хлебами предложения, яко Хлеб

Жи́зни, Христа́, роди́ти имев́шая, пре-
дуказанная.

Ра́дуйся, Пречи́стая Де́во, Ма́терию
Спаси́теля ми́ра от ве́ка предъиз-
бра́нная.

КОНДА́К 6

Пропове́дник богоно́сных веща́ния и
глаго́лы исполня́я, изволе́нием
Зижди́теля тва́ри на земли́ явила́ся еси́,
Пресвята́я Де́во, естества́ на́шего
цвѣте, Ада́ма же и Е́вы воззва́ние и на
пе́рвую доброту́ возведе́ние. Те́мже
вси́ ве́рнии в рождестве́ Твоём
радо́сть обрѣ́тши, духо́вно торже-
ству́ющим, пою́ще дивно́му в Совете́
Своём Бо́гу на́шему:

Аллилу́иа. Аллилу́иа. Аллилу́иа.

ЇКОС 6

Возсия в рождествѣ Твоем, Пречистая, заря спасения нашего, во исполнение Божественнаго смотрѣнія, имже еди́на Ты́ отъ всѣхъ родовъ досто́йна явилася еси́ плоть заимодати Зиждителю Твоему́, пришедшему спасти́ родъ нашъ отъ дре́вня прѣотеческия клятвы. Сего́ ради взываемъ Ти́ сице:

Ра́дуйся, Ада́ма и Ёвы́ воззва́ние;

Ра́дуйся, дре́вня клятвы разреше́ние.

Ра́дуйся, сено́внаго закона́ ко́нѣцъ и но́вья благода́ти нача́ло;

Ра́дуйся, промы́шленія Бо́жественнаго Таинница и на дѣлания́ благая́ насъ прѣсно наставля́ющая.

Ра́дуйся, еди́на во все́х ро́дех до-
сто́йно обрѣтша́яся бы́ти Ма́терию
Бо́га-Сло́ва;

Ра́дуйся, и на́м но́вым во Христе́
люде́м духо́вная Ма́ти явля́ющаяся.

Ра́дуйся, Ма́терним Твои́м попе-
че́нием нико́лиже на́с оставля́ющая;

Ра́дуйся, в сы́ны и дще́ри Сы́ну Тво-
ему́ досто́йны и благоу́годны на́с при-
у́готовля́ющая.

Ра́дуйся, Пречи́стая Де́во, Ма́терию
Спаси́теля ми́ра от ве́ка предъиз-
бра́нная.

КОНДА́К 7

Хотя́ще обе́ты своя́ Го́сподеви воз-
да́ти, пра́веднии роди́телие Твои́,
Пресвята́я Де́во, триле́тствующую Тя́

отроковицу приведоша в храм Господень со славою и радостию мноюю, первосвященник же (Захария), Духом Божиим объятый, введе Тя во Святаыя Святых, яже прообразом токмо быша Твоея Святыни. Ты бо вместила в Себе не кивот Завета, но святых Святейшаго Сына Божия, во утробе Твоей девственной плоть восприявшаго. Емуже Ты с лики девическими выну воспевала еси:

Аллилуиа. Аллилуиа. Аллилуиа.

ИКОС 7

Новое и преславное промышление Божественное бысть о Тебе, Дево Марие. В храме бо Божием жительствующи пищу от рук

А́нгельских принима́ла еси́, Пресвята́я.
Те́мже мо́лим Тя: напита́й нас пи́щею
благодáтною, да возра́стем духо́вно в
му́жа соверше́нна и Тебе́, Всецари́це,
похва́льная возопи́ем:

Ра́дуйся, преукраше́нная добро-
де́тельми, О́трокови́це, в хра́ме
Бо́жием жи́ти и А́нгелом Собесе́днице
бы́ти сподо́бльшаяся;

Ра́дуйся, посыла́вшуюся Тебе́ Бо́гом
пи́щу от А́нгелов во Свята́я Святы́х
принима́вшая.

Ра́дуйся, небе́сным хле́бом во хра́ме
чудесно́ воспита́нная;

Ра́дуйся, к вели́кому та́инству во-
площе́ния Сы́на Бо́жия та́мо предуго-
това́нная.

Ра́дуйся, я́ко повеле́нием Бо́жиим
А́нгели на земли́ Тебе́ усер́дно слу-
жа́ху;

Ра́дуйся, я́ко тии ны́не на Небесе́х,
я́ко Цари́це, благоговейно́ Тебе́
слу́жат.

Ра́дуйся, я́ко и мы́ недосто́йнии
песньми хвале́бными прісно́ Тя вели-
ча́ем;

Ра́дуйся, я́ко и ро́ждших Тя́ Богоот-
цев́ всегда́ ублажа́ем и в моли́твах их
призыва́ем.

Ра́дуйся, Пречи́стая Де́во, Ма́терию
Спаси́теля ми́ра от ве́ка предъиз-
бра́нная.

КОНДАК 8

Странное рождество Пречистыя Девы
видевше, устранимся суетнаго мира,
ум на Небеса преложше, идеже Бого-
матерь во славе предстоит Сыну Сво-
ему и Богу, ходатайствующи пред
Ним о всех верных, всеславное рож-
дество Ея (и в храм введение) лю-
бовию празднующих и вопиющих
Богу:

Аллилуиа. Аллилуиа. Аллилуиа.

ИКОС 8

Вся тварь в рождестве Твоем, Пре-
чистая, обрете радость, печаль прао-
теческую потребляющую: произ-
шедшим бо от Тебе Христом Богом,
падшее во грех преслушания естество

наше от падения воста́ и па́ки лю-
безно Зиждителю сотвори́ся. Те́мже
умильно Ти́ взыва́ем:

Ра́дуйся, всемирны́я ра́дости пред-
возвеще́ние;

Ра́дуйся, та́инство от ве́ка сокро-
венна́го явлéние.

Ра́дуйся, Е́юже паде́ния воста́хом;

Ра́дуйся, Е́юже пре́жде отринове́нное
естество́ наше́ истее́ Бо́гу присво́ися.

Ра́дуйся, Е́юже Иоаким и А́нна по-
ноше́ния безча́дия свободи́шася;

Ра́дуйся, Е́юже беспло́дие серде́ц
наших в благопло́дие примени́ся.

Ра́дуйся, Е́юже оби́лие бла́г ве́чных
ве́рным от Го́спода пода́ется.

Радуйся, Пречистая Дѣво, Материю
Спасителя мира от вѣка предъиз-
бранная.

КОНДАКЪ 9

Всѣ Ангели Божии не ведевшии
тайны Боговочеловѣченія в Советѣ
Триипостаснаго Божества от вѣка со-
кровѣнныя и напоследок Дѣвою Ма-
риєю явленныя, вельми удивлѣни
быша, зряще, како Дщи Іоакима и
Анны необычно естеству женскому,
во Святаѣхъ Святыѣхъ введѣся. Темже
недоумѣниемъ объяти бывше, благого-
вейно вопияху:

Аллилуѣа. Аллилуѣа. Аллилуѣа.

И́КОС 9

Ветія дре́внейший, всему́дрый в ца-
ре́х Изра́илевых Соломо́н, прови́дя
рожде́ство Твое́, Пречи́стая, в Пёснех
Пёсней со удивле́нием возглаша́ша:
“Кто́ Сия́, прони́цающая, а́ки утро́,
добра́, я́ко луна́, избра́нна, я́ко
со́лнце”. Те́мже Це́рковь ликов-
ству́ючи в пра́зднице Твое́м, ве́село
Тебе́ вопи́ет:

Ра́дуйся, невече́рняго дне́ Бого-
веде́ния утро́ светле́йшее, в зако́нней
сени́, я́ко во мра́це, возсия́вшее;

Ра́дуйся, солне́цеобра́зная Де́во,
и́стинное Со́лнце — Христа́,
де́вственным воплоще́нием в ми́р
введша́я и те́м вся просвети́вшая.

Ра́дуйся, светови́дная стихия́,
су́щественно прия́вшая Бо́га, жи-
ву́щаго во све́те непристу́пнем;

Ра́дуйся, Свои́м ма́лым чре́вом
объя́вшая Безпреде́льнаго, вся́ концы́
вселенны́я объе́млющаго.

Ра́дуйся, по́лная луно́, све́т бо-
же́ственный непосредственно вос-
прие́млющая и нас тем оза́ряющая;

Ра́дуйся, чистей́шее зерка́ло, в нёмже
мно́гая соверше́нства Бо́жия чу́дно и
ве́рно изобража́ются.

Ра́дуйся, соверше́нством Твои́х доб-
родетелей и нас к тому́ же подвиг-
за́ющая;

Ра́дуйся, немощны́я на́ши си́лы к
творе́нию до́брых де́л подкрепля́ющая.

Ра́дуйся, Пречи́стая Де́во, Ма́терию
Спаси́теля ми́ра от ве́ка предъиз-
бра́нная.

КОНДА́К 10

Спасти́ хотя́ ро́д челове́ческий от пер-
вородны́я клятвы, дивное́ смотре́ния
Своего́ та́инство сотвори́ Госпо́дь: из-
бра́ бо Тя, Пречи́стая, от ро́да Ав-
раа́мля и Дави́дова, и от Тебе́ без-
се́менно воплотити́ся благоизво́ли,
преше́д уста́вы естества́, но и тя́ про-
изведе́ от заматоре́вша и непло́дна
ко́рене Иоакима́ и А́нны пра́ведников.
Те́мже рождество́ Твое́ (и в хра́м вхо-
жде́ние) дне́сь пра́зднующи и
ро́ждших Тя́ пе́снями восхваля́ющи,
вопи́ем Бо́гу:

Аллилу́иа. Аллилу́иа. Аллилу́иа.

ІКОС 10

Царю́ Небесный, спасения́ нашего
ради́ хотя́ на земли́ явиться́ и с чело-
веки́ пожити́, черто́г святъ воплощения́
Своего́, Тя́, Пречистая́, предугото́ва,
пода́в пло́д безча́дной А́нне, слезно́ с
супру́жникомъ Свои́м, моли́вшимся о
разреше́нии своего́ непло́дства. Те́мже
мо́лим Тя́, Богома́ти: разреши́ неп-
ло́дие ду́ш нашихъ, да возмо́жем при-
нести́ Бо́гу пло́д благихъ де́л добро-
детели, взыва́юще Ти́ си́це:

Ра́дуйся, пресвѣтлый Черто́же без-
се́меннаго Бо́жия воплощения́;

Ра́дуйся, одушевле́нная Пала́то, в жи-
лище́ всехъ Царя́ предугото́ванная.

Ра́дуйся, светле́йший о́блаче, и́мже
Седя́щий на престо́ле Божества́ к на́м
сниде;

Ра́дуйся, Посре́днице зако́на и благо-
дати, запечатле́ние Ве́тхаго и Но́ваго
Заветов.

Ра́дуйся, неувяда́емая Лозо́, прек-
ра́сный цвёт — Спаси́теля ми́ра, про-
израстившая;

Ра́дуйся, благово́нное я́блоко, от неп-
ло́дове произра́стшее и Христу́ благо-
угодно́ явльшееся.

Ра́дуйся, и на́с, певце́в Твои́х, благо-
угодно́ Христу́ предста́вити тща́щаяся;

Ра́дуйся, яко́ и на́с, беспло́дны́ су́щих
де́лы благими́, не лиша́еши духо́внаго
утеше́ния.

Ра́дуйся, Пречи́стая Де́во, Ма́терию
Спаси́теля ми́ра от ве́ка предъиз-
бра́нная.

КОНДА́К 11

Пе́снь хвале́бную рождеству́ Твоему́
(и в хра́м введе́нию) принося́щих не
отри́ни, Влады́чице Благая́, но
рождших Тя́ ради́, благоцвѣтлива́ нам
бу́ди, моля́щи о нас Сы́на Твоего́ и
Бо́га нашего́, да пода́ст грехо́в про-
ще́ние и жити́я исправле́ние, еже в
покая́нии слезномъ вы́ну благодарно
воспева́ем Ему́:

Аллилу́иа. Аллилу́иа. Аллилу́иа.

ИКОС 11

Светопріёмная и премірная Божественнаго свѣта Свеща, единородная Дщѣрь Иоакіма и Анны, предъизбранная в Матеръ Единородному Сыну Божию, днесь от неплодове преславно произыде, и просвещаетъ всехъ рождество Ея (и в храмъ вхождѣние) вѣрно празднующихъ и благоговѣйно взывающихъ:

Радуйся, светозарная Свеще, Божественнымъ пламенемъ возжженная;

Радуйся, и насъ темъ благодатно просвещающая и согревающая.

Радуйся, таинственная Клеще, Угль Божественный Христа Господа во утробѣ и на рукахъ Твоихъ носившая;

Ра́дуйся, и на́с в Та́инстве Прича́щения приима́ти Того́ сподобля́ющая.

Ра́дуйся, живы́й и преукраше́нный Хра́м Госпо́день, о Немже поёт Дави́д: *“Свя́т Хра́м Тво́й, дивен в пра́вде”*;

Ра́дуйся, Кади́льнице Свята́я, не фи́миам, в возду́хе разлива́ющийся, но Христа́, вечно́е благово́ние в Себе́ вместивша́я, и всю́ тва́рь те́м облагоу́хавша́я.

Ра́дуйся, Престо́ле, превознесе́нный со славою́, одушевле́нное седалище́ Вели́каго Царя́, нашего́ же Спаси́теля и Госпо́да;

Ра́дуйся, Цари́це Небесе́ и земли́, с Сыно́м Твои́м и Бо́гом вечно́ царствую́щая и на́с, убо́гих, не забыва́ющая.

Радуйся, Пречистая Дѣво, Материю
Спасителя мира от вѣка предъиз-
бранная.

КОНДАКЪ 12

Благодати паче, неже естества
дѣйство проявися в рождествѣ Твоем,
Пречистая; молитву бо безчадных ро-
дителей Твоих, Господь услышав, по-
даде Тя им в утешение, якоже Ав-
рааму и Сарре Исаака, восхотѣв вкупе
и Своего смотрѣнія таинство на Тебѣ
совершити и уготovati Тя в Матерь
Единородному Сыну Своему, обето-
ванному нашему Искупителю. Емуже
благодарно поем:

Аллилуиа. Аллилуиа. Аллилуиа.

ІКОС 12

Пою́ще сла́вное Тво́е от непло́дове
рождѣ́ние (и в хра́м Господѣ́нь вве-
дѣ́ние), хва́лим Тя́ Пречи́стая, я́ко
Тайнни́цу Бо́жия о на́с спаси́тельнаго
смотре́ния, воплоще́нием от Тебе́
Бо́га-Сло́ва явле́ннаго, и вопи́ем Ти́
си́це:

Ра́дуйся, чи́стая Но́ева Голуби́це,
рождество́м Твои́м преста́тие пото́ка
смертна́го возвестив́шая;

Ра́дуйся, ве́твь благове́стия Хри́ста
Спаси́теля погиба́вшему грехо́м роду
человѣ́ческому прине́сшая.

Ра́дуйся, едина́ блаже́нная в жена́х,
послуша́нием Твои́м Бо́гу преслу-
ша́ние прама́тери Е́вы испра́вившая;

Ра́дуйся, печаль Ада́ма и прѹчих праотцев, (истомившихся ожиданием прише́ствия Изба́вителя) рождество́м Твои́м в ра́дость преложи́вшая.

Ра́дуйся, я́ко рождество́ Твое́ ра́дость возвести́ все́й вселенной;

Ра́дуйся, я́ко в рождестве́ Твоём матери ра́дуются и непло́ды веселя́тся (веду́ще, я́ко и Ты́ от непло́дове прои́зошла еси́).

Ра́дуйся, я́ко и все́х рождество́ Твое́ (и в храм вхожде́ние) ве́рно и благоче́стно праждну́ющих сподобля́еши благода́тнаго весели́я;

Ра́дуйся, с Сыно́м Твои́м, одесно́ю Отца́ во сла́ве Его́, спосади́ти на́с, Его́ мно́го умоля́ющая.

Ра́дуйся, Пречи́стая Де́во, Ма́терию
Спаси́теля ми́ра от ве́ка предъиз-
бра́нная.

КОНДА́К 13

О, Всепе́тая и Пречи́стая Ма́ти Де́во,
приими́ сие́ наше́ хвале́бное пе́ние в
честь пресла́внаго рождества́ Твоего́
(и в хра́м введе́ния) приноси́мое, и
возроди́ в нас же́лание бла́г ве́чных,
вкупе́ же и изба́ви нас, Це́рковь Твою́
Святу́ю, Оте́чество наше́ и оби́тели
иноческия́ от всякихъ бе́д и напа́стей,
от враговъ ви́димыхъ и неви́димыхъ, и
бу́дущия́ изми́ му́ки и Небе́снаго
Ца́рствия насъ сподо́би, да во ве́ки ве-
ковъ о Тебе́ вопие́м:

Аллилу́иа. Аллилу́иа. Аллилу́иа.

Этот **КОНДА́К** чита́ется **три́жды**, зате́м

ЇКОС 1

А́нгел небесный предстояй пред Богом, послан бысть к праведным Иоакиму и Анне возвестити им радость велию, яко по неплодствии своем имут родити Дщерь Преплагословенную, от Неяже всему миру радость произыдет. Темже и мы, радости сея причастницы, похвальная песни Деве воспоем:

Ра́дуйся, в Троичном Совете Материю Сына Божия от века предъизбранная;

Ра́дуйся, древними пророками с патриархи многообразне в образех и сенех прообразованная.

Ра́дуйся, вьщшие пяти тысяч лет от создания мира верными Божиими ра-

бы́, яко́ Ма́терь Изба́вителя́ ожи-
данная́;

Ра́дуйся, ле́ствицею́ Иа́ковом
ви́денною, Бо́жие к челове́ком сниз-
ше́ствие прообра́зовавшаго́ преду-
казанная́.

Ра́дуйся, неопали́мою купи́ною в пу-
сты́ни Сина́йстей Моисе́ом ви́денною,
предвозвеще́нная;

Ра́дуйся, Чермны́м мо́рем Изра́илю
су́х пу́ть да́вшему, фарао́на же пото-
пившему, обра́зне преднапи́санная́.

Ра́дуйся, написати́ся на́м в кни́зе Жи-
вота́ Ве́чнаго пособо́бствующая́;

Ра́дуйся, Ца́рствия Небе́снаго невоз-
бра́нный вход на́м ходата́йствующая́.

Ра́дуйся, Пречи́стая Де́во, Ма́терию

Спасителя́ ми́ра от ве́ка предъиз-
бранная́.

КОНДА́К 1

Избранней от челове́ческаго ро́да и
ро́ждшейся от непло́дове, Пречи́стей
Де́ве Мари́и соста́вим похвалу́, я́ко
рождество́м Ея́ нача́ло спасе́ния
нашего́ бы́сть и пришество́вие в ми́р
Избавителя́ возвесты́ся. Те́мже
ра́достно Е́й возопи́им:

Ра́дуйся, Пречи́стая Де́во, Ма́терию
Спасителя́ ми́ра от ве́ка предъиз-
бранная́.



МОЛІТВА 1-я

О, Пресвята́я Влады́чице, Христа́ Спасителя́ нашего́ Богоизбранна́я Ма́ти, у Бо́га святы́ми моли́твами испро́шенная, Бо́гу посвяще́нная и Бо́гом возлю́бленная! Кто́ Тебе́ не ублажи́т или́ кто́ не воспоёт, Твоего́ пресла́внаго рожде́ства. Рожде́ство бо Твое́ бы́сть нача́лом спасе́ния чело́веков, и мы́, сидя́щи во тме́ согре́шений, зри́м Тя́, Непристу́пнаго Свѣта жили́ще. Сего́ ра́ди витийству́ющий язы́к не мо́жет песносло́вити Тя́ по досто́янию. Па́че бо сера́фим возвы́силась еси́, Пречи́стая. Оба́че приими́ от недосто́йных ра́б Твои́х ны́нешнее похва́ление и не отрини́ мольбы́ наше́я. Твое́ вели́чие испо-

ведуем, Тебѣ во умилѣнии припадаем
и скорую в заступлѣнии чадолюбивую
и благосердную Матерь дерзновенно
просим: умоли Сына Твоего и Бога
нашего даровати нам, много согре-
шающим, искреннее покаяние и бла-
гочестное житие, да возможем тво-
рити вся Богу угодная и душам нашим
полезная. Возненавидим вся злая,
укрепляеми Божественною благо-
датию во благом произволѣнии нашем.
Ты непостыдная надежда наша в час
смерти, даруй нам христианскую кон-
чину, безбедное шествие на страшных
мытарствах воздушных и наследие
вечных и неизреченных благ
Царствия Небеснаго, да со всеми свя-
тыми немолчно исповедуем Твое о

на́с заступле́ние и да сла́вим еди́наго
И́стиннаго Бо́га, во Святе́й Тро́ице
покланя́емаго, Отца́ и Сы́на и Свята́го
Ду́ха. **Ами́нь.**

МОЛІ́ТВА 2-я

Преблагословенная Де́во Мари́е, Ца-
рице небесе́ и земли́, Твоему́ чудо-
тво́рному о́бразу припада́юще, уми-
ленно глаго́лем: призри ми́лостиво на
рабы́ Твоя́ и Твои́м всеси́льным хо-
дата́йством ниспосли́ ко́емуждо по-
тре́бная. Вся́ ве́рныя ча́да Святы́я
Церкви спаси́, неверныя обрати́, заб-
луждших на пу́ть пра́вый наста́ви,
ста́рость и сла́бость си́л поддержи́,
ю́ных в ве́ре свято́й возрасти́,
му́жество ко́ бла́гу напра́ви,

грѣшников к покаянію приведи и
всѣх христіан мольбы услыши, бо-
лящих уврачуй, скорби утоли, путе-
шествующим спутешествуй. Ты вѣси,
Всемиловитая, яко немощны, яко
грѣшнии, яко озлобляеми и недо-
стойни прощѣнія Божія, обаче буди
нам в помощь, да ни коим грехом са-
молюбия, соблазна и диавольскаго
прельщѣнія прогневляем Бога: Тя
имамы Предстательницу, Иже не от-
ринет Господь. Аще бо восхощеши,
вся даровати нам можеши яко благо-
датный источник, вѣрно поющим Ти и
превозносящим преславное Твое
рождество. Избави, Владычице, гре-
хопадѣній и бѣд всѣх, благочестно
призывающих святое имя Твое и по-

кланяющихся честному образу Твоему. Ты бо молитвами беззакония наша туне очищаеши, темже Тебе припадаем и паки вопием: отжени от нас всякаго врага и супостата, всякия напасти и губительнаго неверия; молитвами Твоими, подающи дожди благовременны и земле обильное плодоносие, вложи в сердца наша страх Божественный ко исполнению заповедей Господних, да вси тихо и мирно проживем во спасение душ наших, во благо ближних и во славу Господа, Ему бо, яко Творцу, Промыслителю и Спасителю нашему всякая подобает слава, честь и поклонение, ныне и присно и во веки веков. **АМИНЬ.**

МОЛІТВА 3-я

О, Пречистая и Преблагословенная Дево, Владычице Богородице, от неплодове по обетованию рождаемая и чистоты ради души и тела Твоего сподобльшаяся быти Материю Сына Божия, Господа нашего Иисуса Христа, с Нимже ныне на небеси пребываеши и имаши велие дерзновение ко Пресвятой Троице, от Неяже, яко Царица, венцем вечнаго царствования увенчана еси. Темже смиренно к Тебе прибегаем и просим: исходатайствуй нам у Всемилостиваго Господа Бога прощение всех прегрешений наших вольных и невольных; страждущему отечеству нашему спасения, мира, тишины и благочестия возстанов-

лѣние, времена мѣрны и безмятежны,
крамол злых непричастны; ко
изобилию же плодов земных, воздуха
благорастворения, дожди мѣрны и
благовременны. И вся, яже к житию и
спасению нашему потребная, испроси
нам у Сына Твоего, Христа Бога
нашего. Наипаче же благопоспеши
нам украситися благими нравами и
добрыми делы, да, елико мощно, под-
ражатели будем святому Твоему жи-
тию, имже от юности на земли укра-
шалася еси, благоугождающе Господу;
сего ради явилася еси честнейшая Хе-
рувим и славнейшая Серафим. Ей,
Госпоже Пресвятая, буди нам во всем
скорая Помощница и премудрая ко
спасению Наставница, да Тебе по-

слідству́ючи и Тобо́ю вспомо́ще-
ству́еми, сподо́бимся наслідни́цы
бы́ти Небе́снаго Ца́рства, стра-
да́нями Сы́на Твоего́ исхо-
да́тайственнаго, исполнителя́м же
святы́х за́поведей Его́ обеща́ннаго. Ты́
бо еси́, Госпоже́, еди́на на́ша по Бо́зе
наде́жда и упова́ние, и Тебе́ ве́сь жи-
вот на́ш преда́ем, ча́юще Твоего́ ра́ди
хода́тайства и заступле́ния не пос-
ра́млены бы́ти в час исхо́да на́шего от
жити́я сего́, и на Стра́шном Суде́
Сы́на Твоего́, Христа́ Бо́га на́шего
десна́го Его́ стоя́ния сподо́битися, и
та́мо ве́чно ра́доватися со все́ми от
ве́ка Ему́ благоугоди́вшими и
немо́лчно сла́вити, хвали́ти, благода-

рѣти и благословляти Его со Отцем и
Духом во веки веков. **АМИНЬ.**